

# 游侠列传序

史记

韩子<sup>韩非</sup>

曰、儒以文乱法、而侠以武犯禁。

二句以儒侠相提而论、借客形主。

二者皆讥、而学士

多称于世云。

侧重儒一句、起下文。

至如以术取宰相卿大夫、辅翼其世主、功名俱著

于春秋、

术、巧诈也。春秋、国史。

固无可言者。

儒之伪者、诚不足言、起下次宪。

及若季次、原宪、

公皙哀、字季次、亦孔子弟子。

闾

巷人也、

闾巷之儒、照闾巷之侠。

读书怀独行君子之德、义不苟合当世、当世亦笑之。

故季次、原宪终身空室蓬户、褐衣疏食不厌、死而已四百余年、而弟

子志之不倦。

次、宪功名未著、而后世学者称之。儒固自有真也、侠亦从可知矣。

今游侠、

立气势作威福、结私交以立强于世者、谓之游侠。

其行虽不轨于正

义、然其言必信、其行必果、已诺必诚、不爱其躯、赴士之厄困、既

已存亡死生矣、

亡者存之、死者生之。○句法。

而不矜其能、羞伐其德、

二句、侠士本领。

盖亦有足多者焉。

称游侠一。

且缓急人之所时有也。

见游侠不可无、接上生下、无限波澜。

太史公曰、昔者虞舜窘于井廩、

伊尹负于鼎俎、传说匿于傅险、同岩、吕尚困于棘津、太公望、行年七十、卖食棘津。夷吾桎梏、

百里饭牛、仲尼畏匡、菜色陈蔡、饥而食菜、则色病、故云菜也。此皆学士所谓有道仁人也、

犹然遭此菑、同灾、况以中材而涉乱世之末流乎、其遇害何可胜升、道哉。正见游侠之不

可无也。感叹处、史公自道、故曲折悲愤。鄙人有言曰、何知仁义、已、同以、向、同享、其利者为有德。享、受也。以受其利者为有德、何知有仁

义也。○正应遭灾涉乱、接下。故伯夷丑周、饿死首阳山、而文武不以其故贬王。伯夷未尝许周以仁义、然享文武之利者、不以伯夷丑周

之故、而贬损其王号。跖躋、强入声、暴戾、其徒诵义无穷。柳跖、庄躋、皆大盗、其徒享其利、而诵义无穷。由此观之、窃钩者诛、

窃国者侯、侯之门、仁义存。三句出庄子胠篋篇。窃钩之小、则为盗而受诛、窃国之大、则为侯而人享其利。故仁义存。非虚言也。正对何知仁义二句。○此段言世

俗止知有利、而不知侠士之义、极其感叹。今拘学或抱咫尺之义、久孤于世、暗指季次辈。岂若卑论侪柴、俗、与

世浮沉而取荣名哉。忽又叹儒、皆有激之言也。而布衣之徒、指游侠。设取予然诺、千里诵义、

为死不顾世、此亦有所长、非苟而已也。称游侠二。故士穷窘而得委命、此岂

非人之所谓贤豪间者邪。

士之穷窘、无所解免、皆得托命、而望侠士之存亡死生、此诚人之所谓贤豪间者、而未可谓不得与儒齿也。○称游侠三。是史公为游侠立传本意。

诚使乡

曲之侠、予<sup>同</sup>

季次原宪比权量力、效功于当世、不同日而论矣。

侠以权力、儒以道德、不可同日而

论。○馆合次宪、略抑游侠一笔、下即转。

要以功见言信、侠客之义、又曷可少哉。

称游侠四。○以上儒侠夹写、至此方归本题。

古布

衣之侠、靡得而闻已。

布衣闾巷是主意、一有凭借、便不足重。故下详言之。

近世延陵、

吴季札也。季札岂游侠耶。然史公作传、既重游侠矣、必援名人以尊之、若货殖传之

援子贡也。

孟尝、

齐田文。

春申、

楚黄歇。

平原、

赵胜。

信陵

魏无忌。

之徒、

又借五人引起。

皆因王者亲属、借于

有土卿相之富厚、招天下贤者、显名诸侯、不可谓不贤者矣。比如顺

风而呼、声非加疾、其势激也。

前有多少层折、方入本题。以为止矣、偏又翻出一层、落下匹夫之侠。

至如闾巷之侠、修

行砥名、声施于天下、莫不称贤、是为难耳。

其义诚高、其事诚难。○称游侠五。

然儒墨皆排摈

不载、儒与墨皆轻侠士、故不载。○又挽定儒字。

自秦以前、匹夫之侠、湮灭不见、余甚恨之。

遥接布衣之侠、靡得而闻。○闾巷布衣匹

夫之侠、是著意处。

以余所闻、汉兴有朱家、田仲、王公、剧孟、郭解之徒、

紧照延陵、孟尝、春申、平原、信陵之徒、

五宾五主。

虽时扞翰、当世之文罔、

同网、○谓犯当世之法禁。○应以武犯禁。

然其私义、廉洁退让、有足称者。

名不虚立、士不虚附、

名实相副、而不虚立。士厄必济、而不虚附。○称游侠六。

至如朋党宗强比周、设财役贫、

豪暴侵袭孤弱、恣欲自快、游侠亦丑之。

至若引朋为党、以强为宗、互相比周、施财以役乎贫民、恃其豪暴、侵袭孤弱、恣欲以自快者、不特不可语游侠、而游侠亦

丑之。○此言游侠自有真伪、不可不辨。

余悲世俗不察其意、而猥委、以朱家、郭解等、令与豪暴之徒、

同类而共笑之也。

一往情深。

世俗止知重儒而轻侠、以致侠士之义、湮没无闻。不知侠之真者、儒亦赖之、故史公特为作传。此一传之冒也。凡六赞游侠、多少抑扬、多少往复。胸中荦落、笔底攄写、极文心之妙。